

六



題樸齋弟桐陰讀書圖

何須羨深柳此亦讀書堂
桐影搖千葉書聲隔一墻
徘徊理細帙愛惜到時光
我意耽清淨閑來坐竹牀

朱少仙

文治學博惠示繞竹山房詩稿賦謝二首

杖屨圍萬綠中有老詩翁
獨著千秋業高吟一畝宮
才攜江藻秀氣挾海濤
雄更喜瞻眉宇淵如道力沖
三絕長兼擅風流繼鄭虔
一官居海國萬口播詩篇
此筆足醫俗其人疑謫仙
琅玕盈握贈軌跡導余先

題小雲上人夢游嵩嶽圖

意行偶無定遊神遠飄蕩中嶽維嵩高夢魂忽飛上俄然
陟翠微太室勢高敞初疑達摩洞祖師瞻愴怳眼前羣岫
橫足底層雲盪隱隱三珠樹飛飛一錫杖驚聞獅子吼大
河流決漭平生五嶽志足跡未一往如阿師心卧遊幻竒
賞願復持慧力勿令墜塵鞅菩提與明鏡本來非有象一
切諸因緣起滅皆由想欲知夢覺時聽彼晨鐘響

題訪僂弟瀛香雪倚吟圖二首

雪意兼香意橫斜萬樹開新詩脫口出踈影滿身來料理
人鉏月徘徊鶴守苔怪渠清若此何處受塵埃

銅坑銅井勝昔日記徜徉落處堆堆雪吟成字字香詩懷
君共淡離思我偏長時余將
赴都門驛使明年至還期遠寄將

○宿王家營厲館寄懷孫樸齋

日落大河寒蒼茫集百端一樽詩錄別五夜劍同看壯志
悲塵枉長途逼歲殘因風寄芳訊兩字是平安

雪後汶上道中二首

中車靜閉苦吟身凍雪初消草欲春行路如斯難亦好玉
塵萬斛碾香輪

汶水湯湯聽有無郎當聲裏客情孤素衣莫慮緇塵染滿

地瓊瑤碎屑鋪

東阿道中作

礫闕重著祖生鞭懷古思令倍惘然千里輪蹄消逆旅一時風雪逼殘年英雄老去借驢遊其豆吟成泣釜煎只有魚山清楚好夜深靜聽息諸緣

澹園圖為鄭世勳年伯作

緇塵染素衣始覺村居好園林况清勝勝茲足娛老繫公淡名利暇日事幽討荒圃闢數畝結構非草草悠然此栖息靜理因心造令子不羈才清俊瘦庾鮑頃者計偕役相

見長安道長安春風生十丈紅塵掃茫茫九達中攬裾各絕倒敬為展斯圖怵怵動懷抱小子秉微尚結念林泉早苦為名韁縛舟車竟奔擾想公恬退懷天外鴻飛矯東湖湖水清照見心跡皎何時奉杖履陟歷徧亭沼作詩望南雲歸夢故山繞

晤錢味根聚仁孝廉有贈

十年耳君名里鄙未識面却來輭紅塵他鄉始相見相見悔已遲相逢喜可知春光二三月正值豔陽時豔陽時正好行樂須及早連錢果下駒共轡長安道長安我舊游偕

君登酒樓春風吹塵海飛花滿陌頭花開復花落春明夢
如昨莫濫齊竽吹徒傷魯酒薄酒薄不成醺情深孰與君
樓頭眺試遠千里空白雲白雲渺何極遊子淚沾臆各有
高堂親何由假飛翼飛翼願枝栖申眉無階梯感君枉青
睐好我相提携提携意何厚異地欣聚首但願賦長楊不
復折垂柳柳絲難織絳磁石豈連金結交非勢合所期方
寸心君心如我意谷風勿憂棄歡言洗酸斟往須謀一醉
醉歸日西傾嚴城畫角鳴他時故鄉遇莫忘車笠盟

聞椒雨病亡之信哭之以詩二首

去年故里逢君別豈意他鄉即哭君廿載相知成淚雨九
京何處莽愁雲嗣兒應守遺書讀舊債誰教積券焚翻憶
寒宵惜分手典衣送我意殷勤
遠信傳來字字悲讀之我更淚絲垂死無他語頻叩弟知
已傷心為哭兒極目雁行哀夫侶謂紅船隨身藥裹悞知醫
猶餘一事稍堪慰遺腹雌雄未可知

同人集陶然亭酒竟程春廬

同文

廷尉邀同朱椒堂

筠簾鴻

兩侍御頰雙

陸吉

舍人陳兩香元彩大理

徐辛庵

士芬

編修朵山出右安門至三元帝廟看

海棠回經法源寺憇辛菴寓齋茶話感賦長歌

初陽出霧花冥冥同人邀我登江亭

亭為江郎中濂所建江亭突兀

踞高阜豁眼喜對西山青須臾酒人十輩集馬嘶門外停
雲軒登筵不復拘禮教團團雜香良朋臞臍聶切桂髓煮
銀絲細調香芹羹酒兵忽起縱拇戰逼人豪氣生圭稜杯
盤狼籍客欲散斜日猶照西窓櫺春翁老興復不淺看花
更約城西行名葩似亦愛人賞十分開足舒繁英回車復
經法源寺寺僧晚課宣金經南州孺子此下榻為我解渴
龍團烹軟紅此樂豈易得張觸舊事心怦怦家園桃梅兩

三樹先人手植親經營閒來課我坐窓下培植如樹求敷
榮一從風水抱餘痛公車三上來春明不材甚愧學殖落
恐負地下終無成世間萬事不如意况此區區求微名有
花有酒願亦足胡為不樂繁憂增人生遇合有定數鷄蟲
得失何須爭白雲南望極千里登高令我憂喜并歸家酒
熟奉母壽樹護滋蘭春風庭

題鄭雲帆

伯壘

孝廉泰山行旅圖

馬頭雪盡萬峰開目極秦皇漢武臺到此眾山等培塿何
人健筆賦崔嵬松濤夜捲天門肅海色晴飛日觀來莫笑

中車多倦客凌雲封禪是雄才

聽泉圖為張璉齋題

飛泉寫秋聲疎桐槁霜色會心別有在於焉
悵幽適君本家吳閶山水致清寂天平笏萬枝寒山雪千尺飢驅人出門風景故園隔去年我計偕君亦之京國相逢虎阜舟彼此欣良覲同時有願况一路笑譚劇自從來塵海益復親蹤跡君長巷中余傍仙人宅忽々夢春明依々相惋惜長安居不易荏苒歲華逼頃者示斯圖意象快新獲想見冰雪胸萬斛紅塵滌讀君圖中畫我意更隱惻側聞故鄉早

連月無雨滴願將百道泉徧灑作甘澤良苗盡懷新老農
少入息作詩述余懷南雲覽無極

送辛菴編修典試江南二首

龍蟠自古帝王州年少爭看擁節游使者衡文持玉尺詞
臣作賦冠瀛洲地當重鎮三山險天人長江萬里流同是
公門舊桃李羨依絳帳梓枏收

正主試為余座主穆宦舫
侍郎辛庵庶常教習時

亦出公
門下

開樽席地發高歌序紀新秋奈別何此夕如牛隨漢轉昔
時人物過江多名材應識歸珊網今兩相看送玉珂辛苦

十年曾礪劍青萍慎莫等閒過

寄懷宋小茗先生即次送別原韻

他鄉思故知如早望甘霖苑結蓄遙念况在著作林去歲
草堂別荏苒遂歷今自從來京華懶事長短吟身疑匏瓜
繫衣愁緇塵侵愧以駑駘質漫向王路駸感君惠好我臨
別酬良箴得失有定理無渝歲寒心古交交以道今交交
以金長安九衢中冠蓋紛華簪落寄仙宇有似深山深
時復來朋好酌酒詩題襟平生追風雅仰止高山岑離思
鬱欲宣折麻寄芳音

開門七詠和梅岑表弟

柴

小把挑來歷苦辛丁丁猶騰斧痕新無柰莫漫悲焦尾有
子當令念柝薪日落空山樵負擔煙騰破竈甑生塵何人
蕭寂雙扉掩魁芋煨將楮拙頻

米

狼戾無須樂歲饒相期粗糲暮還朝兩困可與憑君指五
斗烏能折我腰葦食幾人安陋巷春聲到處聽寒宵頻年
祿養懷虛願索向長安首重翹

油

滑如春水潑盈，長夜微難室盡明。看畫問誰食寒具讀
書。賴爾注孤藥車。幢閃碧張無影。餅豆團黃榨有聲。好助
山厨燒筍味。和脂一勺試煎烹。

鹽

經旬淡食豈相宜。端賴津鹽與飽歲。入課徵稽井竈法。
嚴高販判官私車。馱重載愁神駿。若畏輕携換小狸。留得
家風。麤粥在不教。禺笑貨居奇。

醬

造法還同作菜菹。和鹽漬豆幾升餘。搗教有客先徵禮。覆
甌何人苦箸書。最忌聞雷宜曬日。每思魚鼈更濡魚。仙家
聞道元雲美。口腹徒勞索子虛。

醋

芥圃何須問冷齋。桃花三斗漫封題。攢眉味已殊缸酒。透
鼻酸知拆甕泥。薑汁微攪鮮。佐蠅蟲香。初熟酒生。鷄於令
并少沾名客。未必隣家肯乞醯。

茶

感縮香浮茗椀中。每逢客到便呼童。不須紫筍黃芽貴。真

二
後
明
理
系
膜
氣

有除煩解渴功采采上山思穀雨颼々沸水聽松風何人
重利浮梁去訴盡琵琶恨未窮

十月九日朗山弟携蠊招同吳東井朱拂珊吳梅岑
暨舍弟台簪過求是齋作展重陽會余以腹疾不
與拂珊有作次韻二首

酒徒翻使羨高陽束縛寒蒲到草堂可惜棄之等雞肋何
妨遣汝伴橙香嚴霜十月喧漁市秋斲千條憶水鄉我豈
吳興饒太守吟情聊共鉞聲長

藏鉤射覆快分曹十輩峻嶒覓執螯於我無緣難借筋更

誰有字敢題糕味兼江海應多異韻鬥尖叉亦足豪恰喜
小春天氣暖嶺梅將放復登高

偕梅岑拂珊東井馬小溪壻台簪弟過葑葑叔父夢

瀛齋茶話次日叔父示詩次韻奉答

蠻語參軍已費猜

時閱汪舟次先生中山傳信錄

新詩况又疊相催霜濃

楓樹秋初老露冷芙蓉晚獨開鴻雁江邊愁儉歲文章海
外擅竒才遙情更憶京華友為寄相思折嶺梅

題鞠艸叔父訪鞠圖二首

相思渺何處一笑鞠籬來小徑逢花發蓬門待爾開嫩條

攢細蕊老本護蒼苔絕勝剡溪雪扁舟往復回
復此登高節偏教載酒行好花如有約佳種不知名風雨
思前路茱萸結舊盟阿咸狂似昨可許揀繁英

擬唐人春宮怨

東風別院幾笙歌細草茸茸長綠莎非是君王行不到春
來生意玉階多

擬唐人秋宮怨

長門深鎖冷衾幃金井梧桐落葉稠莫漫棄捐悲篋筍涼
風團扇自生秋

對酒曲

春風吹酒香春色醉垂楊何處當壚女殷勤勸客嘗清樽
對明月舊侶憶高陽誰是能埋照時來卧甕旁

塞下歌

雪滿龍堆沙滿天邊烽銷盡凱歌旋祇餘一片輪臺月留
照征人萬里圓

存吾春室詩賸卷三

桐鄉沈炳垣曉滄

○陳雲伯文述先生為菊香小青及楊雲友三女士修墓復建屋於孤山曰蘭因館其上為夕陽花影樓樓左為綠陰西閣以祀小青右為芳秋閣以祀菊香而雲友附焉作詩紀事他日少峰施文寄示因邀同人繼作即以原唱四詩韻為限余分得支字韻

四首

香土深蘊歷宋時四賢祠畔憶簪遺傳來小字黃華瘦別

盡殘碑碧蘚滋繞徑梅花為伴侶渡江桃葉比丰姿居然
婢學夫人樣恰稱寒泉薦一枝菊香

生樂何曾死豈悲圖成第二淚雙垂桃花薄命香魂杳春
水多情瘦影知鏡沈鏡潮愁莫遣簾垂簾卷病難支豈知
二百餘年後唱徧秋墳幼婦詞小青

好從林下仰風期况有心知天素隨雲影一龕身後夢湖
光十里畫中詩年華荏苒蘿亭屋踪跡因依鵲繞枝賴有
西泠詞客在秋芳配食慰鴛思雲友

風流儒雅是吾師十載揚州杜杜之黃土忽傳名士誄青

山獨拜女郎祠蘭因別館吟三婦絮果前塵隔一絲何意
憐才到巾幗九京應悔識公遲

婦病屢月余將北行殆難為懷慰之以詩

明星燦北戶踈鐙耿東廂攬衣起徘徊嗟此冬夜長夜長
不成寐病婦依匡牀初患由陰瘡驟變驚滯腸沉絲涉屢
月焦憂累高堂醫來豈和緩肘後鮮奇方刀圭進苓朮湯
劑投葳薑胸膈遂阻痺氣機彌垂張垂危亦已屢幸復臻
安康即今病勢退然已元氣傷急宜加調護毋令稍賊戕
當其病篤時顛倒我衣裳婦言子良苦遶室神徬徨嗟

共命鳥比翼欣翱翔况余將遠行獻賦登明光庭闈有老
親晨昏賴扶將願保千金軀起居慎自防修短信有數禍
福倚無常恐懼益崇德庶幾承餘慶申言誠茲辭款情長
毋忘

亦園襟詠四首

掬月亭

掬水月在手古人語妙耳究竟水與月都在色空裏撒手
亭中坐非月亦非指

半舫

屋小比蚱蜢半壁殊窄隘何如大海中巨艦乘風快倘遇
南華翁等是坳堂芥

澄觀廊

高木蔭華池綠淨深見底我來坐此間清涼澈心體如何
雲水光雙眼未經洗

小有天

幽洞類穴居小不容身入豈知放光明大千粟一粒俗士
坐井觀耳目所習

題張聽雀

嘉徵

養真園圖二首

浮雲看世事愈覺愛吾廬况擅亭臺勝兼多水竹居澄懷
疑月淡遠性若風疎愧我紅塵裏巾車策蹇驢
豈必誦丹訣相於樂澗阿水光三泖遠雲氣九峰多即景
饒真趣餘情發浩歌承顏有令子一室想安和

歌者陳紉鄉長春移新居於小安南衙衙同人集飲

歌以紀事

清歌妙舞昇平日寶馬香車紛四出梨園子弟都少年試
問登場誰第一就中紉鄉名最優傾動當時菊部頭生就
孤懷疑雪潔取將小字比蘭幽越羅衫袖身材稱瑤簪玉

筍相輝映問道兒家舊姓陳教人不數櫻桃鄭紺巖公子
玉堂僊曾向春風醉舞筵授色不辭千盞酒定交先賦十
春篇相逢屢把雙眉蹙瘦損清容淚絲續已教丹鳳苦隨
鴟不道青蠅思玷玉地轉天旋出細羅一朝豪舉為情多
文梁別^構死央瓦小巷新營翡翠窠鴛鴦翡翠真安樂從此
芙蓉面如昨得意如君有幾人等閒騎上揚州雀榻來招
我酒頻傾更度新詞無限情金鼎香殘閒睡鴨玉簫聲細
靜聞鶯座中誰是知音者共道曲高和彌寡我是焦桐爨
下林淚珠欲向樽前瀉鳳泊鸞飄極風因且扶殘醉踏街

源綿厚婉神心梅

却

塵○勸○君○莫○唱○楊○枝○曲○尚○有○天○涯○淪○落○人○

呈學士陳石士用光先生

匡廬秀絕同峨眉西江千里滌洄之凝齋先生誕非偶再
傳我公鍾其竒幼聰之無即已識嶄然頭角驚嶷嶷早登
水天注僊籍侍從出入承明闈力行敦善守家學餘事迺
作詩人詩小子昔年領鄉薦漫隨計吏來京師傾心已久
得親炙升堂敬謁樞深衣謬蒙獎飾許遠到辟猶瓦缶儕
鐘彝敝鄉楊園盛理學與公淵源承師資家藏遺像乞題
詠述事椽筆何淋漓春明轉曠隔雲路念切將毋旋南歸

鄉村幽僻寡鱗羽倏忽數載音書稀昨秋喜公荷

寵命衡文白下星輶馳過江人物此焉最梗枿梓杞收無
遺今春垣復試禮部有弟拔萃相提携嬾眠胡同並進謁
款語疇昔彌依々春風三月萬人海槐花亂落緇塵緇濫
竿漫詡逐隊樂焦桐仍嘆知音希

聖人遘才備羣策重下

明詔開黃扉鯁生倖得廁上選檄下雙鳥吳門飛志目中
眉或惋惜公獨謂余毋歎歎古人五十服官政今子正值
強仕時吾儒讀書期有用報

國豈第科名為治安。自古重民物。濟物何論官。尊卑愛人
學道古所誦。但求撫字無鞭笞。子如於斯可。自信拭印待
頌循良。司敬聞公命。倍悚惕平生。自揣茫無知。書且未讀
况讀律。挾持鮮具將。焉施近者淮揚溢。秋潦哀鴻滿。整
熬飢勞來。安集勢非易。此時豈得稱。卧治初試亦。期盡乃
職待策駘。駘駘隨小人。有母髮未白。地近或得親。心怡
版輿迎。養樂莫樂反。哺藉慰烏鳥。私高秋八月。天氣爽別
公。又将驂征。駢燕雲。江樹隔千里。願奉音問。常箴規。離懷
慷慨那可已。覩縷不覺情見辭。

留別都門諸同好四首

薊門煙樹晚蒼蒼。有客南歸計束裝。塵海已教迴倦駟。官
途從此上初桃。五湖天遠慈雲護。百里才疎化日長。一事
故人差慰藉。飛鳧咫尺近家鄉。

霓裳夢聽十餘年。依舊風塵嬾著鞭。他日相思吳下月。此

時小飲酒中仙。論文友誼兼師訓。余每有所作輒就把袂

新知結舊緣。武林許敬齋珊林兩孝廉江夏夏莫上江亭

勞遠望津門南去接風煙。時聞官道西征兵

名園寄跡閉門居。藥圃藤棚日把鉏。最好吟情花放候。忽

牽別緒。鴈來初當前。宛轉腸迴轂。此後殷勤手。寄書我自
捫心轉惆悵。思歸未許為鱸魚。

西風吹起角聲寒。樓指長途望渺漫。秋柳竟來官道折。好
山猶對女墻看。機中花樣翻新苦。爨下琴枒入聽難。親老
未妨殷捧檄。敢將手版厭卑官。

○偕查清華人。漢明府舍弟淮臺庄登舟作

巾車陟廣漠。風沙撲顏面。泥塗阻去程。舍車從舟便。豈惟
緇塵消。亦息勞筋倦。陟陞既無憂。寢興弥自晏。登艫展遐
眺。長河波澄練。青山一髮微。隱約指淮甸。秋深未肅霜。叢

樹猶停舊。萬柳鬱扶疎。沿堤綠一綫。風物極蕭爽。延覽轉
淒眷。伊余羈名鞅。半載睽鄉縣。及茲賦歸興。猶未遂初願。
捧檄固足喜。鳴琴敢云善。安得買蜻蛉。浩蕩五湖徧。永結
鷗鷺盟。勿生猿雀怨。

上元日王槐午錫蒲何竹香士祁李石洲國瑞三明

府招同人會飲滄浪亭用歐陽公韻

首春晴和好。天氣終日奔走艱。吟篇幸逢三子作。仙吏雅
游招我心。陶然城東滄浪景。最勝草樹葱鬱崇岡環。陽和
土脈暗已動。凍荻枯蘚生微妍。開樽列坐迭清奏。更喜地

僻無塵喧臨池幾樹發梅萼隔院一縷飛茶烟吾儕生長
異鄉國此地團聚皆前緣出入墨汨靈性得一日暇如
登僊長嘯竟坐碧林下散步或倚紅闌邊徘徊往跡感興
替南園久嘆成桑田地因人重得不廢猶然池館臨清連
况當元夕盛風月買夜不用青銅錢酣吟且復及時樂願
顛何必前人憐須臾幻戲出火樹駢筵照灼星搖天歸途
夜靜月影直遠聞街鼓聲淵淵昔賢雅集例作畫待覓好
手圖龍眠濯纓濯足意自取願繼嘉會年復年此時小子
且放歌他日羣公盛業傳

乞竹香畫山水橫幅先之以詩

吳儂生長山水窟不蠟雙屐翻腰折蘇臺山水亦多奇人
言作吏遊非宜看山不得且讀畫屠門過嚼意亦快恐無
好手似荆關浪墨浮煙滿壁疥竹香吾友筆欲仙煙雲供
養年復年平生作詩兼作畫淡墨淋漓疑米顛我不善畫
識畫理要將咫尺論千里期君一幅剡溪藤五嶽即游從
茲始

蔣少泉如洵廣文以靜志齋詩鈔見示讀竟題後

誦君詩一卷脫口妙如生秀比孤花韻清于雛鳳聲吟情

馳月路快意卜霄程何事匣中劍猶教鳴不平

題石生之紀明府晚晴村舍圖四首

山海流觀愛敞廬當年著述惜三餘駁雲盡解餘霞絢似
此風光蔗境如

晴雲起處雨雲收桑柘陰濃禾黍稠山外有山看不厭與
君更上一層樓

夕陽何必勝朝陽試與詩翁子細詳我欲揚帆到東海曠
曠萬里看博桑

誰令屈宋作衙官一笑相逢畫裏看莫道黃昏容易近今

宵大好月團樂

偕張飛癡廣文過馮丈荷榭小飲

水榭風涼處閒來我再過花多香自在人聚影婆娑嫩莢
初烹饌新蓮試擘窠當筵拚一醉莫問夜如何

題陸性柏小影二首

曉風齊放擔頭花深巷相逢是爾家行徧山塘七里路幾
人醉壓帽簷斜

種花未必得花看節物匆匆春又闌昨夜東風吹雨急君
來已是石榴殘

溪南老屋讀書圖吳松兩書森秀才屬題

溪南老屋結三間插架琳編萬軸環一自全家依鳳里幾
教歸夢繞黔山青燈永夜兒時樂白髮高堂老境閒笑我
卑官繫吳下書廬回首隔鄉關

太守錢恕堂有序文示枕流小隱看荷詩次韻奉答

清閒奉杖履共此陶嘉月誰歌白雪音妙響行雲過

時座間有

彈唱盲詞者頗工小曲

翠蓋弄亭苔紅闌扶曲折徙倚誦瑤篇心境

兩幽絕

○題恕堂丈間雲偶存集後即送其返金陵

此身安得似雲間幸脫朝衫髮未斑歸棹夢回鴛水月捲

簾人對秣陵山鶯花消遣三春後裙屐追隨二老間

謂馮丈

此去為霖期出岫撫髯莫便滯江關

題雨香丈獅山逸興圖

人生貴適意邛壑蟠吾胸大小物不齊達哉南華翁君昔

官滇南足跡萬里窮哀牢富山川綿亘連浪穹點蒼暨鷄

足勝絕青芙蓉君時正年少請纓復從戎豈惟肆游歷兼

能資折衝卅載歸故鄉近宦東洲東公餘偶乘興覽陟獅

子峯茲山部婁耳峻削非天工偶因地平坦遂覺勢崇隆

我來值閏夏炎暑蒸蟲，偕君拾級登竹柏滋青葱况兼
官齋美別樣池荷紅即此興閒逸奚必瞻衡嵩何人妙點
筆貌茲矍鑠容披圖動隱念堯言持獻公此邦民險健占
訟終則凶君其登高吼大聲警聵聾庶息雀鼠爭永懷甘
棠風勿學三語掾老莊將毋同

書李義山詩集後四首

年少巡官得賞音傳衣半夜受恩深無端美作金龜婿誤
盡平生躁進心

美人香草寄情多持較湘纍怨若何却怪喁喁語私褻阿

侯張女費吟哦

龍池詠罷詠驪山調笑宮闈豈等閒畢竟詩人貴忠厚壽
王諸什揔宜刪

李牛朝局太區分身世偏遭玉石焚千古才華推獺祭願
厲鈞黨轉憐君

題撲齋松陰獨坐圖

古澗流泉細層崖亂蘚深清無一塵到靜有萬松吟之子
耽幽坐閒來調玉琴何時擬相訪日暮碧雲沈

小病經旬馮滋圃祖培屢過慰問賦謝

年少翩翩作壯遊曾經楚尾與吳頭新詩出口誇雛鳳舊
侶盟心對野鷗雲樹幾程鄉國夢時滋園將返禾中風雨連日海
天秋瘦腰善病栖孤館賴爾頻來慰寂愁

獅山雜詠

獅山遠眺

巍然法王相墮地作磔磔振衣試登臨一片慈雲在何處
認普陀蒼茫大瀛海

梵閣鐘聲

高閣出林端日夕梵唄諷悠然百八聲遠近隨風送陋彼

持寸蓮欲醒大千夢

竹谿煙雨

冥濛雨和煙對此千竿竹濕影洗娟娟倒漾微波綠天寒
翠袖單誰問簞簞谷

荷亭夕照

小亭勢翼然面臨芙蓉華銀塘返照入別樣紅衣斜安得
采蓮舟四壁花為家

雙橋月印

宛轉雙石梁紅闌壓波冷忽驚水鑑開桂魄深宵靜悟澈

空明相萬川同一影

平臺觀稼

叢棉燦白雪香稻堆黃雲登高望野田臺笠人影紛向晚
荷擔歸農歌滿斜曛

九日獅山登高有懷伍松文司馬揚州兼要惠硯之

約即寄二首

海天秋氣爽勝序快登高作客難為別思君不憚勞寄書
心共遠落帽首頻搔想團樂樂茱萸插徧豪

攻錯仰君子兼旬喜訂交深情真比石推意想投膠漆簡

書俱古銅臺瓦莫消

許惠硯二一盧家漆
製一通州古城磚

百朋如遠錫引

領到聯坵

李石洲蒼茫獨立圖二首

絕無依傍處胸次海天寬獨具有千古無慙此一官詩情
似偶謫古貌佛同看百感茫々集應懷報稱難

縱爾牟尼握知非物外身盟心如白水到眼任紅塵高躅
世無偶和衷德有隣肩隨添畫我道範益相親

微雪乍霽江月皎然曠覽有作

同雲釀雪天模糊金焦諸山半有無扁舟夜宿對江月雲

妙境妙筆可名
禪宗三昧

開雪止無纖汙畏寒擁鑪坐瑟縮新詩展卷吟髯蘇蓬窓
乍駭射清影起眺船頭不知冷想當銀海眩雙眸何意瓊
田鋪萬頃月光入水忽破碎水光得月又變態是水是月
本分明非月非水無定在我并水月兩相忘但覺虛空了
無礙須臾風止月愈明舟師打鼓催客行孤篷靜卧不見
月柔艣呶啞聽水聲

揚闕戲成二絕句

輿馬紛如螳舟檣織似梭水波流日夜忙更比人多
書篋行囊外無多一小舟載將愁萬斛可要稅錢不

題周通守

承基梅巖別墅圖三首戊子

瘦鶴荒苔太覺寒特教飛閣共流丹橫斜萬影霞蒸處莫
誤仙源一樣看

脩竹屋三間丁字沽前水曲環紅雪亂飛香暗動却
疑身已到家山

銅井銅坑記昔遊何如官閣擅風流水心許借南枝暖願
傍紅雲最上頭

方伯梁芷林

章鉅

先生見示冬日偕朱蘭友

珩宮贊

潘吾亭

恭常

廉訪步游滄浪亭適李葛峯

景嶧王

善舟有慶兩太守王槐午錫蒲何竹香士祁李石

洲國瑞三邑侯繼至憩于南禪寺之作謹步原韻

前二首述游後二首則追題滄浪亭圖也

幢戟重臨信風綠恰逢亭館煥依然

公於道光甲申陳臬吳中欲葺是亭未果

繪圖見志今復開藩茲重修落成洵非偶也

剪裁修竹雜花地俯仰清風明月

天豈有澄淵容濯足未妨踈影上吟肩

原詩注同人山林商種梅花

別自覘經濟嚮往前

五百仙原注商建五百名賢祠刻像于石

選勝尋幽祇樹林相於策杖度遙岑蘭亭恰喜羣賢至涑

水先成獨樂吟徑僻蘚痕侵屐齒潭空雲影寫波心新詩

奚止追歐宋吳會扶輪仗雅音

公餘愛結看山綠矧仰前修倍慨然微徑已荒碕外地小

池猶占水中天試尋幽壑空回首待繼名賢孰比肩何幸

高邱風雅後繡衣重遇玉堂仙

瓊笈欣窺著作林

時惠示藤花吟館詩鈔

如登泰岱俯千岑百年喬

木蒼煙在一樹藤花別館吟斯地廢興真轉眼異時憂樂

早關心畫圖要識清如水不獨滄浪見賞音

蔣劍舟上舍屬題文衡山長卷山水二首

茅屋人家遠近山小橋通處水彎環蕭疎一片新秋意都

在焜黃老綠間

愛山未築看山樓
慙愧風塵賦壯游
欲向停雲問遺跡
夕陽紅樹不勝秋

吟安圖雨舟叔父命題

推敲一字難健筆倚吟壇
欲識詩心苦先求句意安
月圓憑夜賞花好及春
看我亦閉門索吟哦耐歲寒

黃樓

城上高樓堊土黃
下臨汴泗鎮茫茫
一時民免沈災患
千古公留愛澤長
東去河流愁汗漫
西來雲氣莽飛揚
羽衣

吹笛清秋迴不見
髯仙意暗傷

揚子泉

正源

秀才自蕭縣寄示石華山館詩集即題

卷端却寄

放鶴亭前惜別時
石華何幸誦新詩
清才偶爾叅蓮幕
舊

事無端唱柳枝

集中有青溪楊柳詞最佳

落日長河蘼子國
瓊樓璧月

女郎詞

君少工艷體

知君亦抱登臨感
試上高臺寄遠思

雨中七寶鎮歸舟

荻港彎環一棹歸
野田到處濕煙霏
長松戰雨疑濤湧
小艇迎風等鷓飛
舊夢名場回首是
新愁宦海折腰非
盟心

欲共雙鷗鳥來往煙波願未違

郊行即事

朝暉開迴野豁眼景彌真小艇閒依岸危橋暗怯人
麥黃千穗老秧綠一畦新父老應相識肩輿來往頻

虎阜舟次呈雲嵐吾山兩叔父

涉歷亭臺縱遠眸此來端似竹林游何人說法生公石到
處懷恩白傳裘勝友如雲思昨歲深杯在手解閒愁多情
斟酌橋邊水蕩入歌聲不盡流

題葺城話舊圖寄平樾峯

翰明府上海

別君方一載握手喜如何畫舫聯今雨清樽發浩歌水圍
三泖濶雲帶九峰多擬待蘆飛雪相期滬上過

平種瑤以其號屬周蓮叔蓮作圖為賦長歌

我聞方壺員嶠在海東仙人十輩居其中丹成不願拔宅
去但願長作田舍翁種瑤平子身如玉懶飽侏儒一囊粟
足底御塵謝軟紅眼前海水搖空潑思入風雲上九天欲
從平地證飛不仙求世上黃梁夢祇買山中白玉田洞天福
地方千畝芝草琪花燦星斗呼起垂龍作雨工導行老鶴
為耨耦此中大似桃花源依然物外好田園村深共道桑

麻長雲寂何曾雞犬喧蓬山妙景誰能寫好手周郎擅嫺
雅翠隴如聞叱犢行紅泉恍趁栽秧瀉我亦尋君海上游
說看圖畫說瀛洲清時不用避秦者白朮青精何所求君
心匪石不可轉浩劫仙家亦難免桑田滄海等須臾彈指
蓬萊水清淺萬壑千巖繞越城不如歸向硯田耕荷鋤倘
遂他年約共爾山陰道上行

清河手澤圖為張能五嘉仁秀才作并序

道光庚寅春余攝篆上海茂才張君能五來見恂
恂儒雅君子也因訪其先世知世居烏泥涇為海

上望族自方伯雲侶兩公以下代有聞人而茂才
祖午亭先生尤述學不倦焉暇日能五出示清河
手澤圖屬題率賦五律三首用欽先德兼誌別懷
云爾時秋八月朔

青箱傳世業滄瀆首推張累代有述作後人能守藏靈芸
驅螽碧古篋襲檀黃我幸瞻遺簡南豐蕪辦香

昨識張公子翩翩方壯年紛綸經術貴揮灑筆花鮮福地

開羣玉珠宮冠列仙

余課蕊珠書院能以經藝冠其曹

達人終有後努力

邁前賢

我亦抱遺研先人手澤存先子藏書外兼愛蓄研手自刻銘余曾繪斷研圖幾年
慙俗吏一昔誦清門此事豈終廢所聞當自尊轉愁揮手
別何日與重論

春雪獨坐有懷舍弟台簪

入春終半月快雪已連朝豈獨添湖水魚能養麥苗隨風
飄更碎到地積旋消不見子由面何時慰寂寥

題蔣吉人青林仙樂圖二首

水際風涼意若何絲絲碧影蘸清波間情我亦吟秋柳如
此丰神讓爾多

以下三首可刪

秋風消息樹先知莫更蒲葵手自持一種丰姿誰管領青
衫共憶少年時

觀打魚

朝發春申浦打魚者誰子小艇駕兩三曾又使臂指彼舟
胡為來大網截江溪勢猛疑排墻力勇若刺兕乞乞衆人
心耽一江水搜羅速織鱗櫻觸乃巨鯉回首眺龍門燒
尾春雷起亦思天池游騰躍恣萬里何為退暴腮潑雜
鱸鮓江湖固云深竭澤恐難恃直鉤釣何人魚乎賴有此


多深意

Vertical columns of faint text, likely bleed-through from the reverse side of the page.

Small vertical text or characters on the left side of the main text area.



百成十月廿四日秋初讀竟并後



書